



იუსტიციის უმაღლესი სკოლის კურსდამთავრებულის სერია

THE HIGH SCHOOL
OF JUSTICE

01/101-12

29 ნოემბერ, 2012 წელი

იუსტიციის უმაღლესი სკოლის კურსდამთავრებულის

ბატონ ზურაბ ძელაშვილის

ბატონი ზურაბ

იუსტიციის უმაღლესი სკოლის დამოუკიდებელმა საბჭომ განიხილა თქვენი 2012 წლის 21 ნოემბრის განცხადება, რომლითაც ითხოვდით თუ რომელი წყაროებიდან მიღებულ ინფორმაციაზე და უშუალოდ რომელ დოკუმენტებზე დაყრდნობით არის შედგენილი იუსტიციის უმაღლესი სკოლის დამოუკიდებელი საბჭოს შეფასება თქვენს კანდიდატურასთან დაკავშირებით, რაზედაც გაცნობებთ შემდეგს:

„იუსტიციის უმაღლესი სკოლის შესახებ“ საქართველოს კანონის 31-ე მუხლის მიხედვით, მოსამართლეობის კანდიდატის შერჩევისას მხედველობაში მიიღება იუსტიციის მსმენელის რიგითი ნომერი საკუალიფიკაციო სიაში, აგრეთვე დამოუკიდებელი საბჭოს შეფასება, რომელიც მოიკავს: ა)თეორიული კურსის დამამთავრებელი გამოცდის შედეგების შეფასებას; ბ)სტაჟირების გავლის შედეგების შეფასებას; გ)სემინარული მუშაობის შედეგების შეფასებას; დ)დამამთავრებელი გამოცდის შედეგების შეფასებას; ე)სტაჟირების ხელმძღვანელის შეფასებას; ვ)სკოლის მასწავლებელთა შეფასებას; ზ)იუსტიციის მსმენელის მიერ სტაჟირების გავლისას შედეგნილი წერილობითი ანგარიშის და შესრულებული ნაშრომის შეფასებას; თ)იუსტიციის მსმენელის დისციპლინას. თითოეულ ამ კომპონენტთან დაკავშირებით ინფორმაციის წყაროა იუსტიციის უმაღლესი სკოლა, რომელიც იუსტიციის მსმენელებთან მიმართებაში ახორციელებს, თეორიულ კურსს, სტაჟირებასა და სემინარულ მუშაობას, რომელთა შედეგები აისახება შესაბამის დოკუმენტაციაში.

რაც შეეხება იუსტიციის მსმენელის რიგითი ნომრის განსაზღვრას საკვალიფიკაციო სიაში, აღნიშნული დგინდება „საჯარო სამართლის იურიდიული პირის – იუსტიციის უმაღლესი სკოლის წესდების დამტკიცების შესახებ“ იუსტიციის უმაღლესი სკოლის დამოუკიდებელი საბჭოს 2008 წლის 18 აპრილის №1/1 გადაწყვეტილებით დამტკიცებული წესდების 21-ე და 22-ე მუხლებით, კერძოდ, 21-ე მუხლის თანახმად, სკოლაში სწავლების დამამთავრებელი გამოცდის დასრულებიდან ერთ თვეში სკოლის დირექტორი დამოუკიდებელ საბჭოს დასამტკიცებლად წარუდგენს იუსტიციის მსმენელთა საკვალიფიკაციო სიას. საკვალიფიკაციო სიის შედგენის დროს კოეფიციენტით ჯამდება იუსტიციის მსმენელის: ა)მოსამართლეობის საკვალიფიკაციო გამოცდაში მიღებული ქულები, რომლის კოეფიციენტია - 1; ბ)სკოლაში თეორიული კურსის დამამთავრებელი გამოცდის ჩაბარებისას მიღებული ქულები, რომლის კოეფიციენტია - 2; გ)სტაჟირების გავლისას მიღებული ქულები, რომლის კოეფიციენტია - 3; დ)სკოლის დამამთავრებელი გამოცდის ჩაბარებისას მიღებული ქულები, რომლის კოეფიციენტია - 4.

პატივისცემით,

დამოუკიდებელი საბჭოს წევრი

ბესარიონ ალავიძე